

古  
微  
堂  
詩  
集

古微堂詩集卷三

邵陽魏源默深簪

五言古詩

此卷皆東南山水詩間有西南數首

嘉陵江中詩三首

遙岑斷烟去近岸風榛寂人行孤光內魚鳥盡淡碧天  
畱清曠暉娛此漂蕩客棹隨雲溯洄夢与波崩積空明  
引悟淡羣動涵幽蹟絕壁入高雲何人鑿崖石母乃遁  
世士遺此太古壁欲往從之遊石徑絕行迹

夜半夜船鐘響從蒼崖來嘹亮清似水蕭條去何遲疑  
墮碧澗底復挂寒松枝一隨流水去到海何時歸狼嘯

空峽哀雁度長天悲歲晚滄洲裏空驚清夜馳

夕与夕烟宿晨共晨風發艣聲搖斷夢榜人語殘月棲  
禽淺涯起宿霧前山合遂令一葦水淼若彭蠡闊方從  
中流轉忽与孤嶼絕稍稍辨岸樹離離出江日思歸曷  
忘歸江霞殢幽客

出峽詞二首

西行入劍門有石無天地山川至巴蜀天地皆壁厲東  
行下巫峽有霆無日月巴蜀非山川天地原割裂去路  
卽來路前舟遲後舟千曲吝寸直萬剛逃一柔每逢呀

闔際惟恐兩崖閉更緬開闔初斧鑿傷元氣巨靈劃劈  
處慘澹神斧痕其下雷回回其上雲魂魂峽猿且勿唬  
峽樹且勿伐苦詢巴峽天但聽巴歛闕

峽內險在山峽外險在灘上灘如上山下灘如下山巖  
巖萬蛟鼉來游呂梁瀑何故乾坤內遺此塊壘物日夜  
千萬年雷与石爭觸出石入石水出水入水舟萬聲許  
許開天地怒相求回顧崕岫內始脫鯨吞憂江行恆患  
風峽行恆患石上水惟苦遲下水惟苦疾人生萬事內  
如意安可必如意不可必得意其可恃上水君勿愁下

水君勿喜

擬廬山石門澗詩三章

嘗怪遠公遊石門澗三十餘人而陶謝不預陶謝集

中亦無贈遠公及廬山泉石之作皆遺憾焉材韻不逮曷敢補亡聯擬三章用寄往趣云爾

劈開萬仞久瀉出白雲髓中有匹練天下奔匹練水屢  
澗屢揭厲一石一驚喜地溪眾響崩峽裂凍雲死澗喧  
山更寂日暮泉逾駛鐘聲不出谷萬年寒碧裏鯨魚成  
陣遊苔翠搖空靡陰幽凜人髮澄泓冽吾齒不重蒼寒  
內誰契高淡理險夷易心目與曠殊趨履二端孰從違  
冥搜惑原委

右擬謝

藍輿何所之言適天邊山何年匡廬阜中裂流高泉有  
客賞奇趣相招破荒烟揆勝忘嘔歔息嚮得潯溪時時  
溪中雲悠悠導我前水石兩相忘何故空山闌重冠扶  
輿侍詠歸亦欣然朝沂溪雲至暮隨溪聲還

右擬陶

出世固有朋邇世甯無趣有巔必共陟有源必共沂靈  
域寐千載誓將發其寤地從輿處曠天向谷中曙風泉  
何處聲泠泠與人語誰知采芝客終年此中住自言偶  
獨游誤入雲溪處十年不下山忘卻下山路

右擬遠公  
石門澗發

源於含鄱嶺左鄒峯下即遠公說戒處游  
踪所不至也四面環合如城墉忘其在山頂

廬山和東坡詩二首

不次韻

誰令至剛物常受至柔攻誰令至靜物常有至怒容穿  
石水千仞鎖水雲萬重百千淘戰後澄爲碧玉碣澄泓  
不盡處復爲雷雨風剛柔動靜間終古誰雌雄始知水  
石力能使天地聾何必老子舌始足供磨礱我來適雨  
後瀑勢江河同四山萬濤聲不辨瀑與松喧中有至寂  
請聽明月中今古聽此聲我如五老翁

白雲瀉下天飛挂青山上百里已遙瞻十里流雲響近  
山翻不見層厓束霞盪但見厓下泉澄泓漱湫溪廣奔條

避空明觸石鳴側盍徘徊竟忘歸月夜每獨往骨化石  
槎牙心化久蕭爽夢中天漢聲崩倒九千丈惟應廣寒  
宮堪共諸天賞

布水臺下同僧觀瀑

東坡但至漱玉亭見瀑之委近人又多登黃巖文殊塔見

瀑之首皆未見全瀑以回岡斷之也開先寺僧引予逾岡至老龍湫當布水臺下而後銀河瀉于當面蕭瑟高寒殆非人世慮古琴銘曰山高水深萬巖蕭蕭古無人踪惟石巉巖欲鐫諸石而未暇也

泉不知何起亦不知何止祇因石刺天遂使水非水層  
崖回障內雪霰風霆起若非橫石凹一墜恐無底谷空  
呼莫應人語不入耳但覺太古氣蒼蒼寒骨髓但覺太



古音浩浩無成毀嵯峨蕭瑟際蕭穆高淡理惜無伯牙

琴來寫成連旨倘如諾詎那吾將坐化矣諾詎那尊者游雁蕩大龍

泚觀瀑坐化見雁蕩志

天台紀游六首

天台無主峯橫潰四出平正博大中秘幽奇疑仙疑幻不可一詩盡

也故擇其尤者分紀之

雲勢欲無水水勢欲無石如何一虬偃欲障千霆魄水中畏石橫奪路出膀腋勇赴無底壑下匯百尋碧有似萬古憤投入靜者夕噴成雪練千雄壓呂梁百四山艸木聲如助風雨格喧極彌寂寥月出寺林白夢聞鈞天

樂於彼水晶宅廬瀑惟仰飛台瀑皆俯清九地九天勢

山澤相薄射吁嗟造化奇心耳永震赫

石梁縣瀑

龍澗視石梁奇正各有取彼陣堂堂正此勢奇奇怒出  
坎入坎泉闔天闔天戶三跌三變局一石一千古屢易  
天地人錯出風雷雨我聞龍神過穿石如穿腐屈曲蜿蜒  
迹至今行衙衙瀑流出其間噴涎鱗甲舞縋幽陰平  
師鑿險呂梁斧怪真自險生柔豈被剛阻神骨換仙凡  
攀躋迭仰俯但覺寒飈颼竟忘轟許許去去行勿遲恐

遭神物侮

龍澗水簾

台頂盡曠夷桐柏四襟帶誰知逾一嶺千峭競險怪斷  
爲萬仞壙屹以雙闕隘忽從絕壑底中聳一臺對大山  
宮小山艮坎互成卦四面絕梯磴千翠環耿介其下雷  
回回其側雲霽霽俯聆絕壑淙倒作九霄籟上帝觴百  
神當年此觀會萬靈拱至尊光景遞明晦久坐入混沌  
冥神失人代地淡天愈高月出峽始大捫縋旋出險喜  
別陰陽界

瓊臺  
雙闕

十步九步峯層巒層螺畫三折五折水一佩一環灔陽  
厓雲是樹陰厓雲是石路盡石每橫峯回溪乍闊更轉

更幽曠忽人化碧源窮始得泓飛瀑所匯積恍如玉  
鏡前掛以晶簾百四圍空翠影入此虛明白幽冥恍忽  
閒知我何代客到此人自仙舊久境終僻卻恐歸途迷  
喜及洞門劃聊同漁父舟非訪劉阮昔

桃源九曲

山靈老愛雲不放雲出嶺雲從何岫出曉必返其頂我  
登萼萼心俯矚萬山盡南雲向北驅北雲向南引蓬蓬  
勃勃勢整整斜斜影鱗鱗晶晶形無一得自逞湧如海  
潮宗翕如軍令稟彌聚勢彌厚豈意渙俄頃展成八極  
寬鋪出大銀萍翕疑會萬靈散似恢四境銀盤貯默蒼

時露百千嶙俄聞海水碧透出金光烟雲山互開闔乾  
坤駭馳騁廓然還虛無舒卷嗟元牝良久神始夷眩外  
慙定靜蕤頂  
歸雲

樹勢欲無峯峯勢欲無日不聞雲外鐘那識林中室前  
身天台僧雙澗恍舊歷萬里水雲身到此甫一適妙香  
浮慮淨鐘梵夢魂寂風林雜夜泉盡疑山雨滴明發別  
僧去欲埽大師簷請入白雲溪更穿白雲出國清  
夜宿

中四明山詩二首

四明者天台之委也自天台逆  
上百三十里而起三百八十峯

介東西二剡溪之閒磅礴二郡五邑高与天台將  
自鄞縣大雷入者爲東四明白餘姚上虞入者爲

西四明惟自奉化雪竇入者爲中四明故雪竇在  
二支包絡之中溪溪廣谷高迴幽寂不似天台之  
近人至山之得名以餘姚西四明之芙蓉峯石室  
一面四牕反不在中四明然泉石雲水之奇則皆  
在此不  
在彼焉

百里複溪山一峯歸其內古寺託何所山作倚天蓋峯  
回路百轉豁然露濤漚天山忽有村百頃雲靉靄上下  
兩雪竇青霄藏世界高步萬石上俯受萬峯拜崖古木  
雄放谷荒鳥幽怪夔魈出突奧雷雨動神檜縣流數千  
尺九天隕砰礚萬壑松風來如聞神鬼愾猛虎戶外睡  
古月簷上挂僧居久忘高梵唄皆沆瀣身臥白雲中夢

落白雲外

來尋雲外僧不辨雲中路晚鐘聲出雲引入雲溪處嵐  
氣滿山頭疑是仙靈聚壑重崩若山林翠墜疑霧鐘魚  
任千指寂若無人住夜聽不知寒重雲如敗絮肅肅空  
明氣時與諸天遇何年匯鏡潭瑩徹發禪悟天光神秀  
鍾復起龍象顧

四明山中峽詩二首

雪竇後山二十里爲徐晃巖其主峯首昂而腹內卻如物  
之鞠其躬故名鞠猴山巔峯割曰哀湍崩雲自昔  
推爲異境蓋天台之脈至此起祖橫張兩翅包左  
右二谷而中峽爲長嶺嶺巔終年雲不絕號曰二  
十里雲峽之南曰雲南峽之北曰雲北田疇村落

分受兩峽水，泉石林竹幽絕居。人由雲南往，雲北必踰長嶺。名曰過雪蓋，雪蓋四明之奧，而過雪又雪竇之奧。雖越人莫知游者。唐末謝道塵隱其中，賦詩傳世。而游踪仍罕。至故志乘多以過雲在大蘭及明末黃南雷修四明志，徧接親歷，始獲其勝，而更正之焉。

尋雲不厭深，窮源期必盡。造物不近情，闕奇惟恐罄。鎖之幾百重，蓄之千萬仞。水惟無他去，磴必自此進。決往無遁溪，果窮百奇覩。崩雲下承足，攢日橫排陣。但聞亂泉聲，如響萬山磬。中嶺界長谷，不許兩源併。然後大合圍，烟雲無可遜。山古蟠根厚，水遠知源盛。此閒蒼寒極，全出高溪醞。到此不能出，瑩然萬慮靜。禽魚無釣弋，終



古鴻荒性質哉造物藏始識乾坤峻

上山瀑在前下山瀑隨後下山雲掖足上山雲壓首山  
雲平屋頭水雲平屋下沿溪數十家家家住雲鱗溪左  
田苗青溪右田水白朝朝望雲起夜夜見雲黑山溪雲  
液積盡化流泉清家家吸空翠婦孺皆聰明郎家住雲  
南訪儂到雲北帶來嶺上雲映到松篁碧郎家住雲北  
送儂到雲南同飲桃花水影照桃花潭人家閉門早飛  
瀑簷前挂住山五百季閱盡雲變化君欲歸人閒去去  
休回顧俄頃白雲生下山不知路

雲南村曰桃花坑有  
巖長數百丈高數仞

石色紅白相間如桃花初發故亦名小桃源其勝更在  
雲北之上竊怪越中名勝動推剡溪不知剡溪特因太  
白慕謝公東山屢見於詩其實荒山溪澗絕無幽勝僅爲  
嵊縣通舟之港而已

武夷九曲詩五首

武夷亦仙霞嶺旁出之水口也

壁曲折爭奇競秀雖不過數里然有巫桂之奇而  
無其瀰險有瀟湘之清幽而加以麗峭引勝怡情  
故宜爲棲遯所醉心矣

至奇萬骨峯至清百折水天地此中合溪貫萬峯倚舟  
行出其間有似穿珠螳五步一笏變十步一障徙空明  
寒碧內萬古黛螺洗漁樵半是仙掩映孤光裏灘從房  
闥行篙向畫屏駛水中蘊影倒舟腹礪聲齒已窮水雲

勝尙嫌山骨峙壁立無寸膚何從寄游趾晚陟仙遊崑  
萬峭羅戶几夜月醉仙骨蒼烟媚山隨簪貯雪浪石浸  
之雪盆底此閒空明界更勝波中視雲霄歎嘯聲山下  
疑仙鬼尙訝棹歌聞那有市聲起

上山月在前下山月隨屨艤舟月在水舟行月隨柂但  
任山轉移不知水曲折人行水月中彼我皆冰雪直疑  
南北峯皆我蒼蒼骨憑檻坐淡宵太虛同一窟暮雲作  
山形欲与崑山接若無青白痕幾忘高下躡鴻濛本一  
氣宇宙誰超忽眞人馭神氣凡俗戀塵坭請隨雲中君

徧覽瓊瑤闕

曲曲奧不曠曠卽嫌市闌

謂第九曲內村市

精舍第五曲亦復

少勝槩誰知六曲中奧曠洞天最

俗名小桃源亦名陷石堂

洞口九

泥塞垣廓周遭大奇峯四蒼蒼平原千巖巖秦漢落花

中羲皇流天外直縮大乾坤于此仇池內如何太古來

至今仍艸昧疑有鬼神呵不許游人再始知萬嶙峋皆

作此關塞我今破天荒披尋失人代何時洞中身復出

白雲蔽何時溪外人得入紅霞界雲隔千萬重霞淡咫尺在

下谷山言集卷之三  
一  
沂灘舟行遲遲得領眾妙下灘舟行駛駛易失瞻眺難  
進苦易退仕隨各殊操我歸武夷舟瞬息萬山剽方驚  
左右奇已失前後奧詎不擬夷猶瀨急湍崩峭最末玉  
女峯一柱屹門隩苦將歸棹畱遠作來帆導多愧山水  
情祇益烟雲悼塵寰萬劫謫仙境何時到

我昨廬阜游鹿洞濂溪訪旋辭象山泉卽買武夷漿詎  
徒泉石癖興發高山仰哲人逝千載溪山寄餘響當年  
雲水氣尙入遊仙杖塵容愧濯纓詠歸聞扣枹陵谷自  
今昔神化無來往森然方寸閒靚面高溪象朝入萬雲

重夢宿九霄上

貴溪象山龍虎山諸詩四首

廣信貴溪之山皆由仙霞嶺逆而西上特

起象山高入雲霄而龍虎山廿四嵒鎖其水口與閩之武夷南北相背故朱陸各據其一矣象山兩淵諸瀑匯爲上清溪過張真人宅溪中二桂洲卽夏相國故居其下游卽龍虎山童露無取卽張宅亦明末改卜非道陵古蹟也惟水口廿四仙嵒夾溪聳峙與武夷桂林爭奇就中許崑尤幽絕樓真莫宜焉南昌人盛稱西山旌陽故居貴溪人盛稱龍虎山道陵遺趾道聽塗說百聞不如一見也道陵祖子房墓在徐州微山湖中鍾彼靈秀蔭及雲仍與龍虎山無涉乃擇其三勝詩以聲之

泉聲去不息山勢高未已傑立數千仞登頓二十里雲

占客爭路石角藤窅屨半日入重圍置身萬峯裏空濛

空翠閒雪練崩奔起雙澗抱平疇亂瀑喧階砌後偏萬  
仞山前逼萬仞水山形杲象蹲遺躅空仰止平臨閩越  
曠響閩唐宋始登高臨溪際萬念肅無起別濤步步遲  
人共斜陽紫

象山

洲居水爲垣通之賴舟楫我愛桂洲幽更尋桂洲蹟雙  
渚澄碧浸四面萬峯揖如何夏桂洲澗源自壅塞二一洲  
四面環水形勝佳絕夏公聽隔溪龍虎宮百靈聽敕効  
術士言壅其源遂致敗身鄰羽士居不受羽士惑至今香葉冠氣懾萬夫特流  
俗亦何知萬里走符敕不信溪山靈獨鍾巫陽宅桂洲

奧尊戶必巖都大壩斯捍山川大關鎖乾坤收泮渙象  
山峙雲表龍虎夾溪畔果然廿四崑骨立鎖霄漢陰呀  
怒以尊巔巔斧而斷仙人躡躡幢玉女重重幔七曲九  
折灘一篇自魚貫陽崑陰厂內西胸東曦暗崑盡石筍  
出萬笏森削鑿空明与巉峭終古相涵澹怪肺頓槎枒  
武夷桂林半就中有許崑雞犬桃源亂龍虎下游半里  
中有百餘家相  
傳許旌  
陽之裔卻立豁垣墉對江橫展案別開天地先自豁鴻  
濛岸堂廟勢森嚴洞天气消散艤棹肅心神臨流照漪  
渙心涼太古久物熾陰陽炭徒壯龍門游終懷逆旅歎



仙品

峽山無瀑觀瀑山無溪例此亦溪旁峽萬丈青雲睇如  
何屋竈棺絕尸誰所置競移仙鬼踪我觸鴻荒闕即今  
帆杪樹古時半平地巢窟燕泥耳篙眼蠶窩未不石水  
不猛不谷陵不銳使非陶汰功安得冠纓墜當年寢食  
區邈若雲霄寄慨睹江河下喟然緬巢燧

永嘉山水詩補謝六首

康樂守永嘉好游詠而今可考者惟江心一嶼詩与

境合其北雁宕僅至斤竹湖東雁宕即白石山僅  
行田其下西雁宕即仙宕曾不齒及即所詠石門  
亦始甯墅東山之石門乃康樂舊居在金虔嶸縣  
非青田之石門瀑也殆古時山徑未闢志乘鄉導

無人故以好游如康樂而靈輿輒遺歟安題  
數章欲以補謝屐之憾不復顧山靈之嘲爾

北雁宕三章

南雁宕在平陽縣之南距溫州百餘里游人罕至古今所題詠者皆

北雁宕

白石太古水蒼厓三伏久山僧閉戶去貽我千嶙峋回  
環四拱合負展朝山靈不有桀戟衛誰尊閭闔局肅肅  
諸天氣森然集祀庭秋碧寒疑月鐘清遠自霆中宵眠  
不穩只恐夜雲崩

靈崖

不信入山深但覺逢人少尋幽不憚遙山深誤亦好陟  
降翠雨中出入白雲繞何石不壁立無潭不鏡皦但看

石闢奇已識中藏奧溪谷杳無人流泉先我到祇覺氣  
蒼蒼竟忘聲浩浩自天下渴虹決雲入啼鳥別水豈無  
情相送前山竊戀濤步步遲擢纓媚芳沼

龍漱

何年山腹裂蟠空結靈開彷彿巨靈劈來作勢佗換爆  
竹一聲迸雷震諸天憚白雲凝不動聞聲始流竄當門  
一線天俯首萬山矚諸天盜太虛我豈爾久炭萬一我  
百骸竟同盤古散怪肺化槎枏空腹穹霄漢後人游五  
內豈不驚天半出洞尙回首萬化誰爐煨

靈峯洞

東雁宕

白石山在樂清縣西二十里水石奇勝故志乘亦有雁宕之名玉甌峯踞其中

石洞呀豁高廣四十餘丈可望海日其瀑水左右匯爲東西二濬濬底大石砥平長數百丈闊數丈號曰龍街水鳴其上曲折而下響如操琴爲潭者六左右怪石奇峯林立

越險入天門凜然警心目別開石世界爭聚雲宗族雲石互拱處早爲仙鬼據呀張屹東向海日吞其腹逾嶺澗聲殷驚疑山欲覆始知水勢奇雲石反失步澄而爲寒碧屹而爲府庫坦而爲街衢鏘而爲珮璐造化豈無心竭才窮部署耳目聲光氣此時遺去住幸有出澗泉導我還山路

西雁宕

仙巖古無雁宕之名予推廣三雁宕之勝以名之在溫州瑞安縣東北厓谷幽

言初堂詩集卷三  
奧顛有廣池水分八派注爲各瀑潭高下相屬  
宋陳止齋讀書之所朱子訪之題曰溪山第一

犯曉尋仙巖撥雲扶短僮流雲不相待先上西高峯石  
門互開闔艸露森蒙茸澗壑聲漸湧猿鳥生懽忭水響  
非一瀑苔漾非一硤沿潭上下尋源究不可窮瀑原天  
上坎泉源山下蒙昔賢棲隱地靜悟先天中空翠微有  
聲蒼寒乃無風潭澄渟眾響心閒水亦空山水聰明氣  
發爲泉石滃幽谷有昏旦密林無春冬猶聞儕侶聲烟  
中尙扶筇

石門洞瀑

洞在處州青田縣有劉青田讀書之所故有青田祠非康樂所游之

也故謝詩不及瀑且營構館榭明爲始甯墅之  
大小石門在今上虞縣之東山与此無涉故詩  
之以補之

來從不盡山  
歸入無底谷  
谷中鳴百雷  
谷外鑽蒼玉  
有呼響必應  
環合城墉東  
大聲劈天來  
千丈壁如覆  
再墜再飛起  
匯此雨潭綠  
雄豪化清泚  
蒼翠圍寒肅  
滿壁蛟螭痕  
泉聲寒佛屋  
客踞潭中砥  
僧入簾中瀑  
四面和松濤  
諸天奏琴筑  
神物蛻潭中  
中宵光上燭  
何時起行雨  
一洗蒼生溷

白岳東巖

白岳與黃山對峙黃大而怪白橫而莊  
黃斂而奧白敞而靈各擅其勝然白岳

又有東西炎涼之不同世人歲登齊雲巖者千萬計無一人至西巖山志中載游記游詩百十首無一人及石梁石門之勝蓋東天門以內真武香幣走四方觀宇塞巖穴無復溪山真面其西天橋以內爲石門寺境奇幻而祈賽不至游人幾無棲宿之所溪山轉得全其本色是爲幸中不幸不幸中幸故分餽二章弔賀之

山匪仙不靈過靈山反俗有似羽擎客忽享廊廟緡何如泉石閒長飫烟霞福天門抱穹崖天閭開靈竺氣聚鬼聰明骨奇魂清肅聲明走百靈結構黥幽谷人震溪山寵客爲溪山哭我謂兩不妨骨山終勝肉朝朝暮暮雲下下高高瀑花鳥遇木人鐘鼓享麋鹿何妨漢京內

自辟文成穀

東巖之天門亦石梁也與西石梁同一結

宮負玉屏案爐峯左右鐘鼓峯夾峙本天設靈奧不以喧俗掩其奇

白岳西巖

東巖游山自雙溪入則可先至西崖矣

今皆先至齊雲入則先歷真武宮以西諸峯皆齊雲左障從此山勢愈西愈平忽伏忽起漸起諸崖而後逆轉東南特起一峯曰標霞崖逆亘而南曰大石梁上坦下穹縱十餘丈橫三丈高二百仞梁穹如滿月而梁下復重一梁遙望又如上絃之月當梁下半里有峯秀峭如立兔之擣月宮人游梁上者後負標霞崖前面玉兔峯遠近四山拱青送翠如在蓬萊天閣中視東天門不可同年語再東南為石門壁立千仞下有石室橫覆數十丈門上有小崖曰雲外坐門前有崖橫案曰爛錦崖而石門寺踞其中有水簾天泉之勝亦有大龍宮奉真武堂與天設而祈禱闌然或曰白岳之脈自西而



東石門崖特其起祖而齊雲厓乃其結束故  
靈巒皆在東崖然棲隱者將於彼乎於此乎

石勢聳不已晴雨飛無時愛山不入山戀此崖前池堂  
皇峻屏展結構誰所爲當年造物心知欲供養誰天風  
忽忽起足跨雙蛟螭四山紫翠氣醉我雲濤衣空山闌  
無人一響千霆馳鱗甲盡飛動勢挾烟巒隨紅塵不到  
処眞宰將我貽蒼然黟山雲來偃天南睡去去勿回首  
恐化虹霓飛

黃山詩六首

黃以險名游者又皆自徽歙前海入  
故由湯谷則有三天門之險由丞相  
原則有散花塢之險若自太平後海入則由松谷  
至石筍壑可徧覽光明頂西海門之勝後至文殊

松谷五龍潭

松谷後海門戶谷在四山中受石筍江師林諸澗之瀑匯爲青黑黃

白四潭并下油潭而五潭各隔澗不相屬各以所映石壁之色名之惟油潭以上澗狹長如油榨得名榨下石厂嵌空水橫行下孔竅厖轟潭如大釜受之釜底白石可數而垂綆數丈不得其底空明皆幻于諸潭尤勝

溪山喜游人先遣流泉導流泉畏出山十里聲先噪後海此門戶礮壑窅溪峭諸峯如筍城古寺專其窳一壑一龍宮不肯同堂奧一湫一石色不肯複形貌其上白雨飛其下鏡臺耀石或嵌或穹松或蔭或冒百尺水精簾四面水仙操會成大寒碧徹骨乾坤照始悟萬化初

一泓水源肖竝無聲潺湲但有光澄妙何必入山溪瑩然塵夢覺從此討仙源步步皆壺嶠

雲谷九龍潭

九龍潭受散花塢丞相原之水鎖以橫石岡冒岡迭注而下成九瀑

潭幽瑩寒碧甲于黃嶽但須親至潭側方知其妙今人憚谷口入路迂遠但從天紳亭隔岡遙望而已若有好事者從岡下砌一石磴俾游人徑得至潭側則事半功倍不但游履有資卽山靈亦當驚知

已於千古

誰令石化水誰令水化龍始知龍水石一氣性相通曲折雲一道貫穿月九重出石入石坎出山在山蒙幽森不敢近中有潛繆宮宮中寒碧天不因石与松我來鏡

須髮光影前身逢極彼色相麗轉令色相空極彼舌廣  
長轉歸寥寂中安得開徑人不被烟雲封

武林紀游呈錢伊菴居士

時寓師之宅月  
餘臨行紀此志感

峯耶曰是雲雲耶曰是山山爲湖雲混雨後無眞巒誰  
知後雨湖復爲烟所慳舟到烟暫開百步時一班如鏡  
受呵氣難鑑西施鬢千影萬影內出沒爭孱顏純是墨  
天圖黯黯有無閒遙看一簇影漸近孤山菴環林盡水  
氣如入蛟宮揆肺腑毛髮沐空水魚藻涵始知絕代姝  
嗔喜無不妍盡洗濃豔氣轉益幽情酣譬迷桃源路四

面逢蔚藍不知湖遠近但任舟北南歸舟尙夢游夢与  
波鷗三

曉日照湖烟橫斜自成幅湖水濃如釀湖舫淡似屋何  
須載酒行自酌湖中淥環湖萬螺黛對鏡新膏沐我來  
吸湖光山影齊入腹濃翠与空濛潏潏自相蓄湖山歌  
舞國兒女英雄福宜乎林逋詩峭拔苦不足用世貴形  
勝遁世宜淡谷我已西湖戀恐被西湖東一笑上吳山  
豁我海天目

西湖

篁溪不見天苔厚不見地至今頭白僧不出黃葉寺山

門叩不開幽禽時一至林筍無人劖迸籜籬閒積久疑  
山雨來寒翠濕衣袂君本城市人何用勞車騎此閒無  
禪伯亦復劇詩意風泉自成韻林籟自成吹

韜光寺

雨過水聲轟水滌山容醒泉溜一山聲匪此鑑泓靜孤  
亭俯其側碧与天光爛儵游澹相適蟬奏遙愈近片雲  
何自來疑是青山影蕭寺鐘聲濕隨風不度嶺斯時一  
念無念与游塵屏洞口一僧出言歸自龍井且還招提  
宿寄此山夕永

靈隱寺  
冷泉亭

石石悉豎立石石悉渾淪無池江浩浩無城石磷磷一

峯復一峯峯峯立而獨諸峯合成垣不分峯與蜀眾岳  
而小礫小礫而大礫我不暇校量蟻方以爲嶽滄然雲  
氣生勢挾全山勤急尋洞口歸或恐山合縫

飛來峯頂

竹閒徑復徑竹外山復山竹旁澗復澗竹杪菴復菴盡  
日不逢人終年無啟關偶因清磬引一露烟中巒有視  
皆蒼翠有聽皆潺湲常恐入幽溪迷路不知還有時逢  
一僧皆作太古顏我返花塢遊復此琴書權問君仁智  
性可同魚鳥頑

花塢

杭人說龍井不識龍井處曩昔聞君言疑信半相互昨

遊南北峯偶誤肩輿路雲峯轉復轉溪約渡還渡泱泱  
水聲浚重重山色赴悄悄往如復蒼蒼午疑莫更無樵  
父逢時或幽禽遇竹方逃徑出嵐欲畱人住百覺理安  
寺始與山僧晤亦言十年隱僅獲一朝步境窮乃得仙  
智塞翻成悟卻嗟趁途人那識逃途趣

九溪十八澗在  
理安寺後山今

人但循御道至理安  
寺所以終身不知也

曳舟破公澌踏林驚凍雀逢澗或褰裳不煩橫略約無  
童背琴書送迎有林鶴非避城市喧非逐枯寒樂水雲  
幽絕處中有古魂託孤行每自喜此病恐難藥方尋黃



海盟更作石梁約不受古人欺肯受今人縛

西溪

衡門下有泌洋洋可樂飢中有考槃士匡詠先王詩前

岸後高谷填填中淡微惜哉莫共語歲月不我期澗旁

古梅樹作藝已再葺藝開二南篇藝謝及黍離蒹葭湖

伊人榛苓美西歸王孫苟不芳題鳩亦何爲

長洲陳碩德甫隱西

溪治  
毛詩

山雲化流水不肯復爲雨月來空水明中有雲影吐湖

風吹夢涼人在久壺語夜話潮入籬起共流雲舞高盡

四方星寂失城樓鼓息心淨妙香回光照今古誓回屠

龍技甘作亡羊補行當返茂苑不獲親芳杜明發眷歸舟武林何處所

時蒙師諭戒其耽山水溺文字也

### 湘江舟行六首

采石黃鵠磯卷石非雄岨惟扼長江勢遂乃名千古滔  
湘屹雙臺蒸湘峙二鼓奮如當關視怒若守關虎水大  
石亦雄水幽石斯嫵不識造物心何故麗閭戶至今澄  
潭影翠倒百丈樹石峻水滌洞俯瞰纖鱗數蛟龍欲起  
時全潭綠俱舞濛濛百里江單此一潭兩江山點綴奇  
形勢風雲阻昭潭更無底空明勝牛渚何須月黑天然

犀照水府

水經注昭山下有洞泉故言昭潭無底

亂山吞行舟前牆忽然沒誰知曲折處萬竹鎖屋闌全身浸綠雲清峯慰吾渴人欬鷗鷺起淨碧上眉髮近水山例青湘山青獨活無雲翠濛濛烟林盡如潑遙青一峯顯近青一峯滅眼底青甫過意中青鬱勃匯作無底潭遙空蔚藍闊十載畫瀟湘不稱瀟湘月今朝船窗底飽閱千嶂翠他年載畫船鷗鷺無汝缺

烟雨一朝霽兩面姓山曜我舟偏岸行人物影俱肖何來三峯矗鼎立峙旗纛無端路再轉方正垣牆冒絕無

坼裂痕徹骨青蒼峭三轉出螺黛如人臨鏡笑頃刻三  
變幻誰從究靈妙難行日百轉百轉山百貌上下一碧  
泓東西翠成奧何時出此圓中肯夢員嶠

明月忽在右明月忽在左一灘響未來一灘響甫過明  
月不在峽明月不在溪上山下山尋空山無端倪夜靜  
山月高潭明水如鏡孤蓬入翠烟住久波始定須與清  
暉滿金精水氣旺眾山忘妍醜遠近各奔向涼颼透疏  
篷山月入窗隙遙憶故園夢念此遂成客

溪窮石壁夾厓轉穹碑擬如何千丈影下照澄潭動荒

寒文字怪忠烈山川重遂令涪溪石上敵嵩華竦轉瞬  
元祐黨又磨厓薛空江海放臣心拜鵬萬古慟獨悵杜  
與韓山斗同時奉寤寐唐社稷繾綣楚屈宋皆友元道  
州咫尺未陽家竟無一面謀不預瓊瑤籠山荒月黑天  
臨風一潏洞

兩山勢欲合溪流互相界欲合不合閒麓趾相鉤帶石  
骨啟寸膚苔蘚無由疥巘岼千面目坦腹受澎湃誰知  
兩三竅中有萬壑巖兩堰如壘梯百丈千艘挂水一有  
不勝舟乃得寸邁卅六斗旣窮始覺青天隘九疑俯混

茫七澤吞莽莽古人創闢事動爲百世賴北屹萬里城  
南航五嶺背指揮役百靈湘灘聽分派漢代戈船將尙  
聞此下瀨至今鰲石祠牲醴走祈賽運河聞汶濟何足  
雄兩戒

粵江舟行七首

羣山偏左右萬石梗後前下下高高立三三五五連側  
爲千尺挺旁有萬竅穿邊計皴瘦透爭滂霜雪烟更戰  
百雷霆欲啖千舟船無心相觸齧曾誰怨介堅吁嗟造  
化變肇自混沌前柰何溯洄客畏險忘其妍我來但叫

絕一峽一地天上仰壁崢嶸下俯潭淪漣

峽得性之隘水失情之曲舟識水石意人作舟耳目無  
心壑谷怒不與雲月觸始知天地人幹旋互相足不然  
境秦越何自通吳蜀前旬舟溯湘寸進愁丈縮人篙兩  
如弓每向來舟妬今朝舟放灘一霎雲山驚許許北上  
篙翻羨我行速人情隨境變天意存傾覆沽酒齊厭忻  
垂堂師古懼

一登陽朔城江色直飛至空碧動檻櫺玻璃作天地千  
峯互闢開萬象爭入出昨宵前瀧漲石岸沒層次峯峯

青芙蓉倒蘸湘灘翠四圍收萬壘一紆出千媚山光雲  
水光盡入空明醉更奇峽山瀑不入江流溉石湫匯澄  
泓無罅通潛隧得母山中泉恐受湘灘噬我行半天下  
驪此江山麗安得招謫仙共酌壺天髻

千山去未已一江勒之還江流日夜東一峯砥其瀾蔚  
然石林氣俯壓群阿灣左江右江合四面相滌環開胸  
納眾流萬馬爭一關帆檣集楚粵鱗櫓闐市闐梧已富  
於桂廣更富於端木聞估客舟爭利於溪山未聞泉石  
士高隱魚鹽閒愈下財愈殖愈貴骨逾阮始知山及水



分主名利壇都會必処下平易民斯安地廣容眾易勢

險兵爭難嗟子獨何爲浩蕩窮百變

梧州紫龍州

梧州鎖未足端州鎖尤歸穹然七星厓抱江作湖勢山  
回水大轉乾坤自闔閉崧臺屹中央餘崖張兩翅洞土  
承九霄洞下蟠九地石石卽厓岸峯峯此歸侍穹窿千  
丈呀荒怪萬象出蛟龍室裏蟠鍾乳雲際麗谷響諸天  
震呼動萬山寐到此但知山盡忘水奔疊隔江更爛柯  
趾麓闌棖值

隔江爛柯山卽端溪硯坑也與七星厓對峙水口

是石盡江光是

水皆石翠牂牁萬里來俯首聽節制若非北辰聳孰阨

東溯氣吁嗟造物荒呼喚窮位置森然萬古懷中夜榜  
胸臆

灘聲胡晝寐入夜方到枕能使萬慮生又令萬慮靜乾  
坤獨夜舟危坐孤鐙影得月江逾大聞潮港勢併处处  
海通船峯峯泉挂嶺不雨而水增所以江力勁不霧而  
海蒸所以江氣盛水盛橫爲烟烟定聲弗定滿篷覺露  
重荒哉行役騁

空波与明月淡淡同一白長季与游子泛泛同一客我  
行東南隅日夜江海適但覺語音改那知故鄉隔終夜

聽江聲終日見江色今朝見烟雨峽雲黯如墨帆重難  
飽舉烟外人語隔蕭然一葉舟艤此萬仞壁八月苦風  
波十月苦盜賊

西洞庭包山寺留題四首

人坐春樹下月明春樹上春閒不看山負此青藜杖行  
行山轉空流泉隔厓響舊游不知處但見青松長一潭  
流水積千歲青苔養言訪桑門子閉戶知何往惟見寺  
橋邊薔薇大如掌

近山雨中遠遠山霽後近身入蒼翠中落日無人影步

步踏松林不覺屢易境。蟬鳴四山空。鹿飲一潭靜。日落  
空山中。但聞樵響。警運斧斫秋雲和。雲檐過嶺。

日斜蟬噪合。月上人語散。白雲凝不動。人至始流亂。微  
雨何處來。勢與蒼山遠。人鳥徑不分。水木互成岸。忽聞  
烟際鐘。知有寺僧飯。卽此方會心。忘言復何辯。

約君桃花時。君來荷未開。約君桂花時。已及臘前梅。游  
山須住山。四季花樓臺。動失花時節。空賞綠陰苔。何如  
山中雲。朝草花徘徊。雲水一萬家。香雪一萬堆。清香靜  
中發。寒光空際來。請參此中禪。吾何隱爾哉。

桐城浮山二首

雨氣不能盡散作諸峯烟盈盈雲水中一峯檣我前昨  
日遠江外舟人識已先西谷宮廷敞東谷廊肆延無峯  
不石呀無洞不泉縣上厓之所地下厓之所天履之聲  
空空層厓盡穹然石腹房戶闔石髮竹樹烟眾厓會一  
厓一厓萬勝專奇奇怪怪盡下下高高穿僧房蜂窩綴  
半石半雲閒到此聲光影盡出寒蒼然泉響不可忍升  
高尋其源妙高峯入雲坐受長江天檣山對面立側視  
正視全不圖江北地有此雁蕩仙一夢增一戀一降生

一妍一嘯響一山一流聲一淵

登山山益高望江江轉闊浮光如白虹遠勢壓林末山  
寂無人行但見雲平壑天寒翠欲凝山遠泉空落遙瞻  
天柱峯冠冕雲霄卓恭惟虞代巡南柴本瀾霍若非輔  
嶽雄安得森崖崿造化神秀鍾緬想黃虞作

九萼化城寺

九萼融結萃於化城一寺東崖其近案九子蓮頂其外障也自地藏香幣

走四方與天竺普陀武當並僧房蝸綴幾無餘地游者遂謂九萼可游不可登豈知山水之勝以形勢者不盡在泉石山志乃盛張東崖之石後山之瀑欲以媲美諸山卽王文成極賞九萼而賦及詩似亦未能道出真面者豈別有曾心歟故賦以正之

翠屏江上橫未至已生翼舟程貪利涉游子志登陟皆  
言近罕奇不若遠眺疑可望不可登同聲阻游屐豈知  
千芙蓉磊磊須身歷環合大城墉果是梵王國大屏峙  
小屏澗色吞山色何必水石奇自啟堂皇密朝行南山  
南草宿北山北耳鑿山水音目飫山水碧乃知名山緣  
亦枉發興必一念稍因循轉瞬仙都失昏嫁与簡書世  
事何年畢世上百季樂不及一山夕

家塾示兒者六首

積人遂成世積治遂成制積事遂成史垂爲百王治今

治与古治何異前車轡今史視古史何異前季契君臣  
民物心食貨兵刑事斯皆道所形能躋大庭世儒通天  
地人四海民命寄方策文武存一代憲章備豈曰黨枯  
朽但蠹古文字腐儒蟲魚注自謂屠龍技尙輸桔槔藝  
能裨生人類百季養士心望儲濟川器各樹門戶牖豈  
是邦家利閒陰青衿詩獨下蒼生淚

儒墨甫息爭儒復歧漢宋漢學今古文宋學朱陸闕出  
入各主奴鴻溝虞芮訟試登洙泗堂幾見殊體用游夏  
友由求冉閔親淵贛德行詎守株文學甯記誦狂曾許



曾點逸復登虞仲章以丹素成味合酸鹹中歧之六炭  
乘互之坎離其安得圓機士狂狷中行統四海桓山禽  
會拱丹山鳳

建章千萬戶羣籥司其局將尋樾籥入爲識皇居尊豈  
云筦庫吏得司美富權日月守記籍朝朝司漏閤試問  
庫中物寸帛其敢舉試問輿阼地跬步其敢前擁篲伺  
侯門揚揚策車馬試問車中人可見執鞭者

稻秬釀爲酒酒成糟粕棄亡彼麴蘖形但有冲和味柰  
何夸靡士貪多溺形器矜彼糟粕富陋此膏液粹尙鷄

使人飽安能使人醉我不与之辨但請各嘗試孰能醢  
太和直趨先天地

鸚鵡巧學舌能言與人類春蟲食柳葉偶一成文字勞  
哉刻楮工費力鷦程藝縱日萬楮成一一無生氣造物  
儻斯勞何以形品彙昨夜園中雷莫測真宰意起視萬  
花開一花一天地

道旁逢老翁方與兒競走勝負皆堪笑旁觀爲拍手弱  
冠勇聞道志闕天地牖夸俗務多岐初心遂日負鬪艸  
博餅金市菜競多取帷張日以塵衣炫日以垢方競虜

淵逐肯作回光守中宵念尤悔此錯如山阜春蠶絲已  
窮出之方縷縷誓回無底壑甘務有孚缶与其出昭昭  
曷若入黜黜休將少時態貽作老來醜

家塾再示兒耆六首

無魚怨水清連夜改爲濁徒失溪山性未必鱸魴蓄好  
惡隨他人一日千萬逐蒙泉枉山清寶此鏡一曲天光  
照雲影何羨舟萬斛

無風江海浪何況狂颶舟東風向西駛西風向東游洪  
濤漸如山日暮將何投樓船浮滄溟所恃一舵適慎哉

舵師心念念如援桴前有不測淵下有萬丈虬

求夢狂西北錯向東南行寥泝太虛中往往如面牆用  
盡枯槁力不得羣雞鳴耳中有風雨身前有谷阮刹那  
千萬古盡是無何鄉一念忽回光始知身狂牀大道本  
無我騎羊還覓羊

高柳臨官河密葉如雲布流鶯鳴其上行客回其步更  
值豔陽天夜夜膏零露不知灌溉功肯信繁華算壑舟  
幾何時精華一朝去回受霜雪摧獨無歲寒具天地不  
能恩枯槎橫古渡知傷此時槎誰傷往時樹

一漚入干鱗不知所從出曠空秋水天何獨尋茲入試  
令退步觀何獨南溟仄關山行路難誰是回車壘

事障馳利名理障泥文字要惟障埽障先以理祛事移  
其枝葉營竝歸本根地樹倒藤自枯鋸勤木終墜休問  
效速遲但課功懈驚室虛白所生天光發宵寐陋哉口  
耳禪虛悟矜神智石火電光內誰繼羲和轡

雪詩三章柬潘少白山人

尋常水西山夜半忽無色清響盪高竹前宵落殘屑搖  
搖銀海花峭峭玉山骨雲際微有光不辨雪与月可憐

歸飛鴻夜半猶未歇

空山寂無聲聲在白雲遠積雪滿前溪但見牛羊返蘆  
溪雁宿沙水洄魚上笕遙憐遠行人衝塞陟雲巘

聞聲疑雨聲對影如月影推篷恍失望一雪四山靜頗  
憶莫釐峯有玉三萬頃遙憐梅下僧凍煞白雲冷何況  
沿溪茅炊烟晨未影

贈謝默卿明府二首

報國七品官呬呬五字詩淋浪湖海氣潏蕩天風吹濁  
醪澆塊壘雄劍靖鯨鯢安得此二物一哇胸中奇

昔鼓洪濤柁中夕發鬱洲海風星斗寒呼君起獻酬九  
萬信可培百年不可適徒聞牛戴角不見烏白頭

寄番禺張南山太守

文更古於詩人更古於文胸中南海酒釀我無邊春水  
木明瑟處人道張家園誰知園中柳有我吟詩魂我今  
東海吏魚鹽雜蛟龍豈子青天月肯照河干豺離別已  
三秋猶酣公瑾醇聊傾一尊酒醉子天南雲

古微堂詩集卷四

邵陽魏源默深著

皇朝武功樂府十八章

臣魏源

王業艱

頌起兵興京也大祖

聖人出東海東如日出扶桑紅山長白江混同哉同仇  
靖內亂甲十三敵無算免胄戰孤盾捍王業艱可長歎  
同部懼協力圖九國師渾河逾誓堂子風霆驅一成  
旅千郭郭王業艱可長吁 適野謀畫地議揭衣獵雪  
殺髀大小白龍騰起王業艱貽 孫子

收金部

滅扈倫四國也



扈倫金四部地大相并吞爲明南北關保障世近藩恃  
明之援不与我弟昆 明援不至饑不振請人捍邊復  
不肯和不利戰不戰畔復降降復變遂爲我所乘始奄  
有舊甸 明人東北望晚霞赤天半始忌金再興壓勝  
遺陵斲誰知金國史神授夢中贊艱哉艱哉 皇  
撥亂

收遼部

服東海及黑龍江諸族也

黑龍江以南混同江以東是皆打牲部語言騎射同非  
如游牧區番蒙 樹羽翼莫斯科亟舟車取之勿使失編

旗配籍供羽檄女真兵萬不可敵何況巴圖增不億  
老滿洲新滿洲此外盡呼索倫儔更有東海魚皮族使  
馬使犬及使鹿至今但呼索倫兵誰道當年十一征十  
一征貽千城

收元部

服滿南四十八  
旗內蒙古也

大漠數千里天以界北南元裔分據之皆宗插漢汗柰  
何恃倔強日自凌其侶爲淵鰲魚壙鰲兔笑我水濱六  
萬伍自命四十八萬部一夕乘之走無所滿南萬里皆  
臣虜元璽入滿三百季復歸真命主武庚再叛墟其

土太僕牧場尤近園至今天閑四十萬雲屯萬谷如風  
雨就中三衛科爾沁世世甥舅尤禦侮 明屯九邊備  
陰山我朝四十八家共季班誰識 先朝綏服艱

收朝鮮

貳而征之服而舍之也

朝鮮我東鄰貂參通互市東畏日本偏于我翻倂時謂  
恃明強援豈知明早靡外和心不親螳臂獨拒軌遂怒  
十萬師終獲再因壘 師往秋霜零師還春暉青嘉其  
禮義國始終不貳明至今重務宴賦詩陪使榮有文無  
武備屬國猶見令愼哉文与武有國無偏輕

天助師

我朝与明戰屢得風霜之異也

鉅鹿昆陽軍挾雷雨天之所祐視今爲古

一維薩爾詩

天地事墨我暗擊明敵明擊黑槍殿柳林軍無我殛

二

入關兩戰沙立雷鳴錢唐騎渡海潮不溯

三更有返風

富察之壘鴨綠混同公合公解

四所至天祐天詎我私

風霜之殺時雨之師

九

帝王天授靡人是任上

帝臨女母貳爾心

六

入關戰

和明明不從入關代復明仇也

七憾告天師非得已中外邊氓皆吾赤子

一我師百勝

思与明休明兵百敗反不我酬

解二

我制關外明制關內

不爭中原与天同大

解三

封汗其可鑄印其可地負海涵

奚靳于我

解四

爲告三衛爲告朝鮮其達朕志俾民息肩

解五

爲語明藩爲語明臣其達汝主俾悉我仁

解六

我文事

昆我湯事葛保世樂天生民是籲

解七

漢祖唐宗猶和北

塞彼昏不知罔卹民害

解八

明實我疾我復明仇開關延

請孰知其由

解九

天眷東顧天難諶斯卹民謙已天鑒我

慈

解十

戡三藩

康熙平叛藩也

三孽非殷頑叛明復叛我藩鎮成尾大封建眞不可禍  
之大小撤之遲速旨爲七國誅鼃錯軍之進退賊之張  
弛肯爲鳴張赦封豕 籌餉籌兵急如火指揮萬里洞  
觀火百里號震驚匕鬯不喪墮鄱陽湖友諒殂洞庭湖  
三桂俘誰言守成易功与創業符丕承丕顯 文

王諱

定朔渾

康熙三征渾部收  
渾北外蒙古也

大渾以北三喀制之九白是貢于我羈縻一西寇憑陵  
思吞北部傾國東投若子投母二解耽耽卅八部思爪取

之我

皇不忍曰其撫之

皇赫斯

怒戰若雷霆

解四

解如風雨北斗以北戰竄無所乃命三

汗各反其部

解五

六龍屢臨大溁春扈泉滄于沙艸茁其

阻

解六

驚沙極天積雪皚皚車宿銜枚我行至再蠢彼渾

夷昏惑不悔

解七

人所其棄天亦厭之郅支獻首皇

曰旋師

解八

渾夷旣庭溁北悉賓際天所覆莫不尊親

禮樂征伐奄奠遐荒於萬斯季受天之慶

解十

蕩青海

雍正征羅布藏丹  
津以衛西藏也

賀蘭山以南星宿海以東八家和碩部屏藩世效忠北

捍渾葛寇南與衛藏通丹津忽梟獍好亂矜梟雄思復  
祖霸業兼長四部宗要盟集璫帳汝各弓汝弓從兵三  
十萬一時艸偃風王師會青海特命簡元戎雪夜七千  
卒徑擣穹廬空蕩蕩河源西茫茫海柳紅師來自天降  
師反如飄風穹碑立大學遂紹天山功青海雖云平渾  
夷尙復在賴有和林超勇王一戰渾河震瀚海

蕩西陲

乾隆定渾部  
擴西域也

天山以北瀚海以西狼生羆羆生貔世患我邊擾我畿  
使我

三朝西顧無甯時轉粟陰山北歲勞十萬



師此賊不滅天下不安天時不至聖猶難天時既至機  
不可失五單于爭立天兆亡胡日奮起亟乘之果然電  
掃流沙磧沙磧雖云掃反覆幾回狡午夜軍書中夜艸  
五載憂勤天欲老始信爲君難乾坤非易造再

閉再通戊己道重待我

皇重電掃

高宗御製詩注云

西師之役軍書晝夜批  
荅左耳重聽左目亦然

定回部

乾隆征天山南路霍集占也

烏藏北天山南城郭國都護環

解

婆羅興佛教草自明

季爲津役賴王師釋歸塞叛不朝怨報德

解

天討至燿

拒堅黑水壘渾河沿風雪夜馬不前神助師降自天三解

崩土瓦游釜阱棄巢穴逾慈嶺四解慈嶺西月支漆捷書

至甘泉夕五解回教回佛教佛何須印度角端出六解

復西藏康熙乾隆兩定衛藏也

烏斯藏號三衛廣谷大川常自爲風氣爰有黃教佛常

證輪回性不寐大西天小西天化身達賴与班禪東瀚

海西青海熬茶萬里來瞻拜迎法師求舍利六朝西域

兵爭事怪哉準噶何契揄其口奉佛其心夜叉羅刹曾

不殊攘佛之國踞佛都如來終賴湯武扶王師三道軍

容盛諸部擁護禪林定禪林定非一陣乾隆廓喀還再  
勝金奔巴瓶卒頒令大哉

神孫承

祖聖

和西洋

康熙用荷蘭和鄂羅斯也

西抵歐羅巴東抵黑龍江首尾數萬里皆偏鄰我邦城  
我索倫貂參壤東兵禦之終弗創賜書荷蘭達其王卒  
定畧石分戒置東置雖云定

天容穆弗已謂此

海道數萬里數月往返迅如此加以火器天文技歲歲  
梯航來貢市千載終非中國喜湯若望南懷仁西洋藝  
事常諄諄憂淡思遠

唐堯仁

收臺灣

康熙平鄭氏  
靖南海也

大洋海以南聲教所不極五帝三王未嘗有島國明季  
入荷蘭旋爲鄭氏得勝則闖入敗歸塞全倚波濤爲藪  
匿自比徐市箕子域使我沿海邊民不安息三藩旣戡  
定始議圖島夷盈庭盡畏難特命靖海施雷霆震盪海  
水飛竟入虎穴取子婦闢地數千里豈非  
聖決  
幾非常之策不謀于人不然南海幾作西洋鄰至今海  
波澄不侵休數內閩朱与林

靖金川

乾隆平西  
南土司也

鬼方克三季殷宗非得已易象繫之既濟与未濟王師  
初因壘開網受降馘誰料畏威不懷德誰知以怨而報  
德地險天險不可升雨雪雲梯百道登卒辟其礪犁其  
庭難于上九天奇于轟九霆豈惟金川戡定難更有緬  
甸兼越南宸章樂府再三歎

高宗御製和白居易樂府述緬甸之事而終

之日新豐折臂可長歎欲和下筆再三難

靖流寇

南山藪奸宄明季張李橫未有妖氛起太平物眾地太  
藪身其萌萬里飄忽何橫行彗掃天市光櫓槍秦攻潰

蜀蜀攻潰楚巢穴老林萬山阻勦不勝勦撫不勝撫所  
至脅從多如雨始知勦內賊難於禦外侮堡寨旣成民  
得所釜魚阱獸無竄處始知防賊如防川以隄防水斯  
可堵額經畧德參贊百戰封疆戡內難八載凱旋告

裕陵馭民朽索猶三歎

靖海氛

嘉慶閒平閩  
浙艇賊也

山寇甫熾海寇熾從古昇平無久日海寇非島夷沿海  
奸民出外夷艇內盜艇掀天狂颶如安枕劫商艘拒兵  
艘闖臺闖浙何其豪糧餉接濟嚴海禁亦如堅壁清野

令卒尸鯨鯢剪梟獍康熙收臺灣先在臣荷蘭嘉慶靖  
艇匪先在臣越南內盜猶須聯屬國況制吐番舍回紇  
何況條支大秦國

古樂府

君馬黃二章

臣馬驪君馬黃兩驂相逐如雁行南山牡北山牝水艸  
寢訛矜顧影牝牡驪黃各一羣選毛配色爛如雲立仗  
千季不一鳴此物真堪瑞太平一朝秦寇從天至盡出  
天閑當駟鐵旆卷霜寒鼓聲死踰地長鳴淚盈臍當年

選我選駒。冀卿伊驅。我陣雲霧。當季相毛。不相骨如何。  
今責。霜擊。君求。千金。百戰。馬請。覓鼓車。鹽車下。

豈無大宛龍駒。戲月竈昆侖。如閃電。不作戰。馬作舞。馬  
銜杯上壽。娛前殿。更遣鶩駘。作導師。日調魚。雅回撈。姿  
惟恐風雲之氣。電霜骨不化。仗前倡。俳物耳不習。兮金  
鐸。足不習。兮沙津。腹不習。兮藜藿。在漁陽。鐵騎朝叩關。驪  
山舞馬猶杯歡。亟驅舞馬作戰馬。盡更錦障橫征鞍。十  
季錦障。雄心死。何處沙場。報知己。

怨歌行五章



少出苧蘿村長成綠珠里一嚙江上無秋水屑金布地  
塵生履一塵一步香風起与君織錦疑七襄与君主饋  
調天漿二十五絃彈別鵲鄰女停鍼國工服盡道蛾眉  
宜漢宮尹邢不敢齊車轂若言漢宮不須人何故圖畫  
徵求徧山谷軒車遲遲歲陽止東沈白日西逝水他季  
恨不生同時待君憶儂圖畫裏

入宮十季不見知一見君王殺畫師士感一言死知己  
何怪千秋墓艸青離離國色例當人主貴閼氏單于亦  
相敵至今圖畫重明駝豈非顧盼光輝力邯鄲才人厮

養謫一生不及君王側落日滄沱暮顏色

送君從軍出玉關春閨枕畔卽天山似聞已取封侯印  
馬後生鬃左賢王。鎧花連宵不報喜。又夢霜寒鼓聲死。  
沙磧夜。匹渴無水。秋窗夜雨芭蕉枯。時聞颯颯戰聲枯。  
君不歸來履迹蕪。君縱歸來妾已老。膏沐安能澤枯槁。  
不如長客塞庭道。夢我別時顏色好。

美人晤我采雲閒王母雙成絳節還一睽人天咫尺閒  
美人別我采雲蔽香風忽起青鸞逝天上人間千萬世  
前歲尙通青鳥使去歲嚴霜青鳥死夢裏霜華月如水

覺後虛櫺月如紙月中隱隱世界同語聲不達廣寒圯  
他生未卜此生已隔海扶桑木連理相須何殷相遇難  
始知天上勝人閒天風吹不到海水送將還

生不逢時不同地縱逢或不可君意誰復怏怏歎胸臆  
皎如初日生大蒙又疑咫尺東牆東波影霞光嬌欲紅  
紅雨零紅淚續谷爲陵陵忽谷玉忽瑕瑕忽玉雲朝雨  
茸恣翻覆青天白日仇膏沐豈是回波嗤若蘭豈真所  
養覬邯鄲易復易兮難復難幻莫幻兮慳茸慳天風吹  
不到海水送將還

行路難十三章

鮑明遠行路難寄慨身世非汎汎也曠世同感輒附蓋各言志之韻

渡水何必百丈虹  
庇身何必萬牛棟  
材費人勞木石重  
水涸沙寒山澤凍  
畧約堪濟鄩堪幪  
共笑棟虹礪何穹  
靡復何用鄭國憚  
成溱洧梁齊王欲毀  
明堂礱洪濤啗  
石雷破山蛟龍起  
陸天地恐畧約漂流  
不復存鄩屋翻  
飛那足鞏始知不動  
安如山棟虹端爲風  
雨幪

新沐冠新浴舞散髮  
天風歌白紵倒傾銀  
漢無殘暑火  
雲燒天汗垢塵坐臥  
麻姑搔不仁胡不蘭  
湯土已濱一  
番澡雪一番新有客  
色難心畏潔欲浴先  
必謀蟣蝨甘

聽羣污飽膏血甘此七斤大布袍百季不浣滄浪月君  
不見燭花不剪燭不然蟬蠶不調書不全素女善革媧  
皇紀

耕當問奴織當問婢由來聾瞽善聽視不向土龍求致  
水婢當課織奴當課耕吳宮但教美人戰詎眞沙塞堪  
橫行一季之技驚流俗十季之技國工服上下同蓺蓺  
必神巧者不過習者之門柰何使雞守夜犬司晨柰何  
臣唐好武君好文

召匠五都市人人矜斲埴使構凌雲臺莫傳國工式刺

繡倚市門人人矜組帳使織天孫錦莫問鄰姥樣洪濤  
狂颶興如山野渡孤舟難復難庸巫詎鎖支祁怪庸醫  
詎任髣佗肺做事工創事拙大者癡小者黠常時叱咤  
生風雷遇變南山銜石闕尺短豈無寸長小智不可大  
量如何觴豆三爵旅酬揖遽許堯飲千鍾孔百榼

水性本是地中流不逢大禹滔天浮樂生下城七十二  
庖可朝解十二牛死碁中有國手著殺人方卽生人藥  
禍福起伏塞翁馬何時何地無回薄堯牽羊舜荷箠不  
如牧豎肱麾指左畫圖右畫方更兼掣肘誰成章會者

不難難者不會虎鈴解縛非二人龍圖篆屠藏一芥起  
雷造欠有何技神巫只是人閒紙中流一壺潏潏洸肯  
信三軍待君濟九曲絲穿不如蠟大聖有時拜桑婢

扁鵲見田侯三見三歎唏初見腠理可鍼灸再見腸胃  
可湯液鍼灸苦膚藥苦口攻泄恐傷元氣厚何如勿藥  
得中醫國老衣鉢爲君授三見始入門望氣先卻走藥  
石攻補百不受太乙雷公齊束手娠童媚子環芻狗堂  
上稱觴萬季壽

君不見阮陶之酒可以亡憂商林逋之鶴可以覆衛邦

米家之石書畫舫何殊艮嶽花石綱朝野嗜好殊燕越  
野所寄情今朝以傾國溺仙溺佛皆玩物豈獨酒色堪  
自伐朝會但聽蔡邕琴何異琵琶曹妙達吹皺一池春  
水皖山不入酒杯裏采石江頭釣月人量去長江一萬  
里百季養士鬱風雲如何但得延珪之墨澄心紙

凌霜竹箭傲雪梅直与天地爭春回如何不逾河以北  
亦如蘭桂江南栽梅竹君子性蘭桂美人魂但傲南雪  
畏北雪材難自古窮乾坤不見松柏梁棟材燕南塞北  
皆祖徠不見桺爲木精應天祐沙潁以外青青葛橫絕



六合無南北。幾見遷地難。良哉柳如民。庶松大臣一世。  
仰用材始真。梅竹未足雲雷屯。吁嗟乎梅竹尙謝雲雷。  
屯區區蘭桂安足陳。何況蕭艾與稷薪。

塞山一夜鳴。倏令天地驚。大壑溪厓頭角成。晦冥變化。  
如有神。拔樹移湫徙窟宅。媵以魚鰕萬千百。前村後寺。  
波濤黑。頃刻邱陵成澤國。月令金鼓旌陽劍。誰向潯陽。  
逆潮射四海。但謂鱗甲鹽。誰知乃是雉蛇卵。四海但仰。  
雲雷欽。誰知焚孽非甘霖。多少螫龍潛土室。欲作風雷。  
無羽翼。吁嗟造物風雷職。不假潛龍假蜥蜴。

誰言布穀鳥不可代犢犁春曉誰言羅浮蝶不可代蠶  
成繭帛長養費盡春風心翩翾欲笑農桑色霜高木落  
黃雲飛九月天寒未授衣始悔所用是所養非高高者  
天漣漣者海扶桑玉禾竟安在幽風障子顏色改主人  
終不鶯蝶罪止渴望梅應有待得過且過行相賀明春  
鳳凰不如我

此即郭中吟第一章之意此後言之似實言之各極其妙

君不見葉公好龍真龍下燕昭市骨來神馬由來致真  
不厭假穆王好僊王母賓梁武求佛達磨臻由來喜假  
可致真何況南山之后北山虎精誠貫之堪沒羽首山

之銅洛陽鐘不叩自鳴聲應宮

東皇東皇胡不使。札君吳屈相楚洛陽。季少相漢如張禹。不然胡勿生下土。亦免五岳方寸仇。千古東皇東皇。我欲爲君埽落花。飄茵不飄藩溷家。萬里錦帳圍紅霞。卽陪瑤母宴。妾駕紫鸞車。遊戲但搏銀漢沙。萬季不令鳳隨雅。紅霞如電紅日如箭。季季王謝堂前燕。依舊百姓家中見。何況銜泥柏梁殿。

風雨一夕梭龍失。否卽甘季甘挂壁。七十二鑽神智龜。何似支牀自呻息。三十六幅共一車。車轂之用當其無。

旁人競笑馬腫背。肯信支窠龍能屠。精衛萬季摩頂踵。  
秋蟬一蛻何其勇。由來妙用善藏用。脩羅宮卽藕絲孔。  
何必殛天之翼方圖南。海大風多身不安。何必殛天之  
翼方圖南。

新樂府

江南吟十章

效白香山體

種花田種花田。虎邱十里山塘沿。春風玫瑰夏杜鵑。五  
夏茉莉早秋蓮。紅雨一林香一川。朝摘夜開。夜摘朝開。  
采花人朝至。賣花船夜回。有田何不種。稻稷秋收不給。

兩忙稅洋銀價高漕斛大納過官糧餘秸秬稻田賤價  
無人買改作花田利翻倍下田卑溼不宜花連負空餘  
菱芡舊烏乎城中奢淫過鄭衛城外贍苦逾唐魏游  
人但說吳民嬌花農獨爲田農淚

急賣田急賣田不賣水至田成川誰人肯買下河地萬  
頃膏腴不值錢上游泄漲保高堰下游范堤潮逆卷何  
況夏雨淫霖先半畝日日望禾長禾長水亦長日日望  
禾高禾高水亦高聞說有圩能護出圩能隔水不隔天  
淫霖尚可壩潦殺我但保夏汛不穿堤願買豚蹠先齋

安油油麥青青穉怕數樹稍舊漲痕夢魂常被蛟龍食  
昨夜西風五壩開已報傾湖之水從天來

防桃汛防伏汛防秋汛与水爭堤若爭命霜降安瀾萬  
人慶兩河歲修五百萬縱不潰堤度支病試問東漢至  
唐亦漕汴何以千歲無河患試問乾隆以前亦治河何  
以歲費不聞百萬過沙昏昏波浩浩河伯娶婦河宗獻  
寶桃花浪至鯉魚好酒地花天不知老板築許許鼉鼓  
逢隆隆隄如天束水如壩不聞治河策但奏防河功合  
向羽淵師黃熊

開城門。開城門。水西門。截秦淮源。江湖挾淮城。倒灌一  
閘難回萬馬奔。城南移家走城北。月華照城如澤國。船  
撐橋頂雞棲樹。父老百季未傳說。一歲潦尚可歲歲淹  
殺我。南北六朝都江左。幾見金陵之城水中坐。烏乎江  
洲。日大江而日寡。江底日高。江口不瀉。試登鍾山絕頂  
望長江。天塹如弓蛇。何處黃天蕩。何處新林渚。千里挾  
蔑。百里桑麻。當季半是波臣家。滄桑陵谷是耶非。耶泊  
河。尚可水攻沙。何策能使江流窪。

漕艘來。漕艘來。如山如屋如風雷。千艘倖易何雄哉。入

開閘爲阻。千夫萬夫挽。邪許入運。運爲膠。微蜀湖田澤。  
雁號。我聞漕艘丈尺有成規。受五百石無差池。水力船。  
力勝米力。何事礪硎穹窿爲私貨。愈多費愈重。徒供倉。  
吏閘夫用。病漕病河兼病民。何如改小一帆送。烏乎戰。  
艦苦瘦。糧艘苦胖。戰艦苦窳。糧艘苦濫。曷移戰艦作糧。  
艘。更改糧艘修戰艦。

緝私鹽。緝私鹽。改捆先治場私源。七斤豫章八斤楚。不。  
改恐致官私嫌。改捆愈多私愈眾。卽挖官包作私用。岸。  
費愈增本愈糊。川粵潞私四面周。何況銀價日高抵岑。



樓烏乎場私如山積鄰私如川漑曷通場私敵鄰私倍  
鹽賤銷兩獲算君不見溫州郡守師票鹽商民歌詠官  
府嫌彈章早上秋霜嚴利民利國徒雞廉柰何盡奪中  
飽壓

再清查三清查新舊款目多如麻前虧未補後虧繼轉  
瞬又望四查至借問虧空始何年半緣漕項半攤捐幫  
費愈加銀愈貴民欠愈多差愈匱戴星稅駕豈無人但  
有催科無撫字吁嗟乎催科之難難於上青天補虧之  
難難於塞巨川欲爲彭澤五斗吏先師對向淮南術始

知旌陽稚川作官易

阿芙蓉。阿芙蓉。產海西。來海東。不知何國香。風過醉我  
士女如醕醑。夜不見月。与星兮。晝不見白日。自成長夜。  
逍遙國。長夜國。莫愁湖。銷金鍋裏。乾坤無。濶六合。迷九  
有。上朱邸。下黔首。彼昏自癩。何足言。藩浹膏殫。付誰守。  
語君勿咎阿芙蓉。有形無形。朋則同。邊臣之朋。曰養癩。  
樞臣之朋。曰中庸。儒臣鸚鵡巧。學舌庫臣陽虎能。竊弓  
中朝但斷大官朋。阿芙蓉。烟可立盡。俗語烟癮之癮字  
書無之說文朋病  
癮也。今借用之。

留行宮。留行宮。燕薊盤山魯泮宮。六龍吳越天南東。離  
宮卅六象天極。金碧樓臺山水國。夏禹玉帛慚會稽。穆  
王車馬徒沙磧。雨雨風風七十季。離宮夜月鎖寒烟。蛛  
絲宵徧琉璃瓦。薜荔欹斜石字磚。住持無人葺無力。父  
老下車空歎息。不見康熙湖上宮。雍正改稱聖因寺。靈  
光遺殿獨巋然。豈獨平山僧菴勝。園隸更有熱河四庫  
書。曲阜泮官所不如。烏乎胡不盡頒離宮賜。釋儒平山  
宮屬園丁者皆折賣無存惟僧管三廡如故又乾隆中  
頒四庫書七分惟山東曲阜無之而熱河行宮又不行  
矣

吳民生女喜。楚民生女悲。楚女溺嬰胡不慈。只恐長成  
須嫁衣。不見吳女門楣賀。千金百金等奇貨。朝辭荆布  
草綺羅。幾見嫁衣煩自作。楚女雖貧妾不爲。寒人隘巷  
何奇酷。牧令雖有卹嬰慈。難勸楚民養女爲人姬。國家  
縱有溺嬰禁。難救楚民鬻女爲人媵。爲媵爲婢孰差愈。  
畢竟吳風勝三楚。美意雖有良法無人窮。端賴天公補  
烏乎吳民生女勝生男。安得楚民生男少生女。

都中吟十三章

效白香山體

小楷書八韻詩。青紫拾芥驚童兒。書小楷詩八韻將相

文武此中進。八扇天門。誅蕩開玉皇親手策羣材。臚唱  
喧傳雲五色。董鼂花樣毛錐來。從此掌絲綸。從此馳輶  
鐸。官不翰林不謚文。官不翰林不入閣。從此考樞密。從  
此列諫官。盡憑鍼管繡鴛鸞。借問樞密職何事。佐

上運籌議。國計借問諫臣職何事。上規主缺下

民隱。雕蟲竟可屠。龍共誰道所養非所用。屠龍技竟雕  
蟲仿誰道所用非所養。君不見前朝待詔翰林院。書畫  
琴棋。藝原賤。工執藝事可進諫。差勝手搏可方面。差勝  
琵琶可封王。鬪雞可乘傳。銓部竹簽且得材。潤色承平

況文綺昨印大河決金堤遣使合工挑涵詰昨印樓船  
防海口推轂先推寫檄手

吏兵例戶工例繭絲牛毛工會計全恃舞文刀筆吏河  
漕奏銷尤鉅利一準一駁百萬費缺可補可不補級可  
去可不去翻手覆手敢予侮能令公喜令公怒何況捐  
房與庫吏寶玉大弓頻睥睨府史胥徒非世業誰道盡  
握六官法若言部胥不可捐何故刑部胥無權任法任  
人孰操券請看汲黯張湯傳

數開科數開捐開科遴材爲得士開捐輸粟爲助邊借

問開科得何士項槁鹽車悲駉駉宋代得一張齊賢一  
榜賜第方能爾借問開捐何所潤中外度支財益罄漕  
鹽河兵四大計瀕卮孰塞源孰盛開科開捐兩無益何  
不大開直言之科籌國計再開邊材之科練邊事市骨  
招駿人才出縱不拔十得五終得一

籌善後籌善後礮臺防江防海口造械造船造火攻未  
敢議攻且議守船礮何不師夷技惟恐工費須倍蓰江  
海何不嚴烟禁惟恐禁嚴激邊釁爲問海夷何自航或  
云憇嶺可通大  
西洋或云廓爾喀印度可窺烏斯藏或

云彌夷佛夷鄂夷輩思效回紇之助唐或云諸國狼狽  
叵測可不防使我議款議戰議守無一臧焉乎島夷通  
市二百載茫茫昧昧竟安在題本如山譯國書何不別  
開海夷譯館籌邊諄夷情夷技及夷圖萬里指掌米沙  
如知已知彼兵家策何人職司典屬國

通倉廩通倉廩倉胥擁之何其豪國初點胥胥痛哭近  
日倉缺萬金鬻錢多粒粒珠錢少粒粒灰錢胡自來自  
米來發水愈多收愈速不然三月河干請久挨旗丁若  
鷺絲倉胥若漁父得漁蘇松江吐魚潞河浦若非改海



漕安得輕釜庾海運未舉海防多水犀樓船方荷戈吁  
嗟柰爾倉胥何

西苑閉西苑開纏頭金帛如雲堆人海緇塵無處浣聊  
憑歌舞恣銷遣始笑西湖風月游不及東轡軟紅善欲  
禁梨園廢宴游潤色承平懽太鮮唐代曾賜曲江游賞  
花釣魚詩酒餞行宮歲歲海淀左城中西苑蒼苔鎖瑤  
島青空春色淡花落何人護龍舸楊士奇高士奇金鰲  
退食雍容詩天光魚鳥承清淑豈不勝聽肉竹絲律禁  
職官狎優賤難禁士夫暇豫宴靈沼靈囿民同樂易園

梨園開西苑

下海淀下海淀請事畫諾如郵傳未明往返八十里郎  
官往城堂住淀去時桺樹曉早鴉宮門晨開埽落花午  
歸馬汗和塵沙馮唐日聽官鼓撾我聞康熙暢春原偶  
蹕雍正圓明制未悉乾嘉終歲始駐園車駕入城只什  
一求衣問夜攬萬幾夕奏朝可傳餐食何況邊報軍書  
連日夕全憑水色山光慰宸極君不見西苑豹房  
盡城中羣臣終歲晞天容平臺一召已僅事那聞日日  
延離宮無逸殿中勞溽暑趨朝敢辭海淀苦

木蘭獼木蘭獼元代上都今圉畋圍場六十山水連內  
外蒙古皆觀瞻四十八家尤近邊紅椿卡倫環塞壘刺  
麻梵唄聲殷肥八旗合圍伊瑪圖止齊步伐前禽驅蛇  
鳥風雲八陣趨天圍四野如穹廬乘輿手挽金僕姑海  
東青下擒元狐奉瀍上壽諸單于萼夷一家萬古無自  
從秋獼停鑿輿離宮晝鎖生薜蘿我 皇家法何曾

改雍正不獼十八載除梁治道省邊民講武春秋南苑

狂爲語名王望幸心但祝須彌壽如海

熱河有須彌福壽之寺住持章

佳刺  
麻

罷南府罷南府樂府侏儒傳自古渥丹秉翟簡兮舞忽  
聞天上汰樂部月殿霓裳散如雨從此宮中奏雲門歲  
省侏儒米萬數魚龍漫衍何所戲化人偃師何所舞女  
樂革自乾隆中道光更詔裁伶工恭儉盛德如天崇西

域文康來拜手

聖祖

神孫千萬壽

高宗御製  
和白居易

樂府上陽宮人曲有曰國初女樂沿明季康熙  
女樂不盈千雍正僅存十之七乾隆無一女樂焉

宗室祿宗室學教養天潢信優渥從龍入關止二千生  
息休養數倍若紅黃帶子區雲初景山覺羅教漢文玉  
牒生齒歲登祿額無增宗額增國家景祚如天盛

金枝玉葉原無吝豈有富四海而處一家飯不見宋臣  
言宗桃有毀服有盡不見唐代制疏籍編氓同仕進材  
俊常登史傳書不与宋明同利病我聞銀潢之水天上  
來亦願銀潢之氣鍾英才

紅刺麻黃刺麻貴者珊瑚冠油碧車賤者桂服盈街衙不  
僧不供不袈裟皆祖釋迦宗喀巴借問刺麻何所爲梵  
音佛母陀羅尼大明大力孔雀王神通自在大游嬉借  
問刺麻何所證呼畢勒罕前生定幻身世世度眾生不  
以輪回昧真性借問刺麻何益國神道設教安邊策西

域番蒙數萬里去殺勝殘資控勒刺麻來刺麻來釋迦  
佛制汝所知桑門例著壞色衣升坐乃著紅伽梨宗喀  
巴但易其色不聞易彼袈裟同白衣何況秘戲懽喜大  
布施欲色天宮魔所爲柰何現此末法師子身蟲爲大  
秦耶穌方嫚漢回紇和卓曰西悍曷埽異教歸一乘定  
慧度生登彼岸曼殊師利  
天可汗護汝正法季  
千萬

山西債山西債乘急居奇眞市僧京宦俸苦貧外宦遠  
選行遭迍借貸無門典無質惟汝西僧敢乘急網羅一

入天地窄螻蟻反被蛟龍食  
百金便問赧王鼎萬錢孰  
償天孫織我聞京宦有增俸  
外宦有借俸增俸或難借  
不難免教子母權輕重朝廷  
免租動千萬何惜恩膏卹  
窮宦請驅輦下賈胡患

無定河永定河以土束水隄防多一石之水泥五斗淤  
高束縛如盤渦中夜潰堤奔萬馬大澤瀦吞如大野不  
見河隄未築時欲東則東西則西所過號爲鋪金地膏  
沃十倍何隄爲北隄地高南地下因勢導之建瓴瀉固  
安霸州兩窪城遷地辟水工力寡烏乎漳河欲北翻使

南桑乾欲南翻使北地利水性強從人不師神禹師崇  
伯